

Wonn i ma mi so onschau

Wonn i ma mi so onschau / gibt's vü zum Kritisier'n:

Fria wor ois onascht, des wü ma net ins Hirn!

Zum Beispü meene Guckan, / vo denan hob' i zwoa,
schau i damit in d'Weit'n / is ollas unschorf gor.

Dabei hob' i – es wisst's as eh – / fir niades Aug'n a Glos,
zum Les'n a sep'rate Brü'n, / fir Buchstab'm schorf und groß!

Ob'm d'riwa 's Hirn – gonz foitarat –, / wos drin, is – zum Vogess'n.
D'riwa wen'g und weisse Fedan, / Hoor dazui sog'n des wa vomess'n.
In da Mitt'n vo da Plott'n – / durst, wo i net hi'schau'n ko –
glonzt a polierte, kloane Glotz'n, / vo Recht's weg'n g'herat's gressa scho.

Do lob' i ma meen scheen' Heampa, / wohlgeformt und g'nau platziert.
Nix mehr owa schmeckt er leida! / Wos mi, glaubt's ma's, ernstli stirt!
Weekost'n geht nur mit das Zunga / und des is a richtig's G'frett.
Dass i donn ehta kost'n muiß, / vü Leit' glaub'm ma des gor net!

Mee Mäu wa optisch jo net schiach, / owa oft ko i's hoit hoit'n net,
gach rutscht a bledda Soga außa / nur, z'rucknehma ko i'n leida net.
Vo da Figur im Groß'n, Gonz'n, / bi i koa Athlet, des g'wiss:
I plog mi recht, i nimm nix zui, / wia oft i a und wia vü friß.

D'rum schau i mi gor nimma on. / I oida Mo, i brauch' deHärte!
A Hondtui iwan Spiag'l g'hängt, / scho siach i nur mehr d'innan Werte!

Juli 2026